

字典

字學典第七十四卷

法帖部彙考十五

宋周密雲煙過眼錄 喬達之贊成號中山所藏

智永真草千文永興軍節度使印韓侂冑印 李伯時女孝經伯時自書惜不全 智永真草

千文徽宗題有政和宣和印 顏魯公馬牘帖高宗題簽

焦達卿敏中所藏

晉王逸少十七帖真蹟五紙不出戶帖 唐孫過庭書譜真蹟上下全徽宗滲金御題有政和宣

和印

鮮于伯機樞所藏

文思博要帝王一部唐類書也所引薊子慎子尸子敏皆古書也天寶十年十二月楷書臣胡山甫
書字極遒麗至唐大中年間方自館中雜書揀出是時亦止存一卷而已卷後有史館山甫印用麻
紙列館中典掌之人及三校姓名題跋其後如張元長周美成晁說之薛紹彭及

諸人在內有歷下周子然不知何許人也

湯仲謀曰允譽按文思博要一千三百卷太宗貞觀

年間詔左僕射高士廉特進魏徵等十四人取歷代載籍摭其精義至十年書成卽此書也

吳

彩鸞書切韻一本其書一先爲廿三先廿四仙不可曉字畫尤古

沈傳師書積雪山陰馬過難

殘更深夜鐵衣寒將軍破了單于陣更把兵書仔細看古御史大夫沈傳師詩書寄太府兄侍史

索靖章草月儀帖一短卷下有希世小印及永興節度使印

晉武帝真蹟宣和御府物有唐人

跋王右軍與桓溫薦謝元真蹟用繭紙書字輕清不類右軍後有駙馬蔡瓘跋楊和王故物也

牡丹錦標首儼然著色畫蓋宣和法錦也

蘇東坡書詞一云東武城南連堤就郊湛初溢今刊

本作漣漪初溢非也

雜帖一冊內有劉涇巨濟墨跡一紙一印文曰劉巨濟符

伯機云太

平州有重刻本瘞鶴銘然不知以何物爲別當叩識者又云孔子廟堂碑京兆府本無裂乃佳葉森

今收一本乃饒州錦江書院本極佳

張受益謙號古齋所藏

李西臺新竹詩後有蘇子美跋賈秋壑故物也

米元章帖十二冊各以其類爲冊如手簡家書

詩文各分類聞是韓侂冑故物中聞韓魏公家園池詩各有闕古珍玩大印其後歸史衛王府凡如此五十六冊一一精好米帖家書內有與友仁者有與寅哥者所謂虎兒是也花押乃兩樣

王子慶所藏

五字不損本蘭亭原係堂後官盧宗邁家物墨花滿面後一行空處後歸碑驛童道人姜堯章自童處得之凡一冊題跋上有白石生四屨之印又有鷹揚周郊鳳儀虞廷印甚奇蓋藏姓名二字後歸蕭千巖之姪況介文後有李秀岩跋既而復歸之俞壽松翁有夢鷗堂二跋及會稽內史等三古印最後爲趙子固所得喜甚乘舟夜歸至湖中弁山舟覆幸值淺港行李俱淹子固獨持此卷立淺水中示從者曰蘭亭已在他不足憂矣其跋語亦詳載且題八字於卷首曰性命可輕至寶是保其風致殊似米老子固垂世以此歸賈氏悅生堂今藏王子慶家後歸李叔固家葉森曾于其子仲庸叅政處見此本仲庸垂世屬之他人 趙太祖御批三卷其一卷侍御親軍都指揮使党進開寶四年九月言給旗號樞密院官只押字而不簽名又內前打鼓揀亭長失去放亭公憑乞別給御批不行又江南投來者三人賜衣服及送西京撰軍名收管照定來又三司具糧料奏後有鹽鐵度支

戶部使印又內前打鼓亭長郭珣女阿劉稱夫韋韜爲楊光美打傷御批不行階級有法故也已上共五件其二卷御筆批出遞還軍頭都虞候指揮使又宣徽南院使義成節度使曹彬奏牛羊司失去驅羊人聖旨令收捉又發遣差補十將御批我曾與你作指揮問定遠都頭有家累無家累且發遣鐵騎將軍分又內前打鼓百姓王再興爲人嗾使打鼓告官差役不均御批與臀杖七十放已上共四件其三卷忻州定襄縣開門寨歸明人進馬及代州界投來四人各賜頭巾衣服等已上共三件今第三卷只有二件疑有脫誤當參考志雅堂雜鈔 眞宗御書封泰山禁音樂批 仁宗

飛白便面六枚

英宗舊名宗實監押侍禁私書及齒藥方云生乾地黃細辛白芷蛙阜角各一

兩去黑皮并子入藏瓶均用黃泥固濟用炭火五六斤煨令炭盡入白僵蠶一分甘草二錢並爲細末早晚用揩齒牙堅固并治衄血動搖等疾 哲宗御書便面掬水月在手弄花香滿衣中有御

押李西臺古篆并行書風后廟碑甚佳駙馬都尉王晉卿家物也今印文適用此一進士蓋字通用又一文口如作置好奇之過也又於一卷中用保母帖中曲水研樣如此回內作古篆亦好奇之士

也

高宗御書損齋二字并御製損齋記左僕射沈該已下聯名親書表在後

李伯時孝經

圖并書自題云鳳閣舍人楊公雅言孝經乃六藝根本百行世訓所重謂龍眠山人李公麟曰能圖其事以示人爲有補元豐八年二月因撫其一二隨筆之 欽宗圍城日絹上蠟丸徵兵御書

王介石虎臣所藏

唐劉良驪告及江南周宗卿詔用書詔之印咸通中吳通微書莽贊告書體甚佳米老自跋 東

坡書蔡君謨二小詩又杭妓周韶詩初杭州營妓周韶能詩蘇子容過杭述古飲之韶求脫籍子容令卽席賦詩有云隴上巢空歲月驚忍看回首自梳翎籠中若放雪衣女多念阿彌禮世尊一時嘆佳籍中諸妓之內有吳楚龍靚二妓詩最佳事在侯鯖錄 陶弘景書板帖見東觀餘論 御

書十餘卷太祖者河陽武林關使身故乞差人充替御筆上用內合同印 太宗乃尹京時葉打

捕榜後有御押及行移書字甚草草可見五代之物苟簡用開封府印 眞宗數紙其後臣僚奏

狀旣無銜位亦只押而不書名作匡巨在殊不可曉 徽宗數幅皆處分中省進呈短奏亦多不

急之事皆御筆親書照已畫旨 欽宗一幅係親事官節級徐釗收稱某處人聚衆疑惑等事御

批示付程振令追捕杖脊配千里封皮用御前之寶

古今圖書集成
司德用進所藏

宋李建中書絕句鶯已無聲花已老誰知三月盡頭時亦佳句也

張與可斯立號繡江所藏

陶隱居小字黃庭外景經

張旭草書真蹟有六一翁跋

楊凝式千文

元微之轉官詔

郭祐之天錫號北山所藏

晉右軍得告帖

又快雪時晴帖皆真蹟有米老跋遂以名齋且刻石葉森曾見此二帖神韻精

彩

又唐模千文又蘭亭迺李山房故物有老米印又有李常公擇長印葉森曾見戴原甫持此

來售乃南唐椒閣錦標首

梁人臨重告等五帖

唐徐浩寶林寺詩真蹟歐陽率更碧紙行

書詠陳主詩

又夢奠帖元是陳德翁物甚佳葉森芸齋所收卽此本亦存甫攜售也

虞永

興汝南公主墓誌後有米老跋皆真蹟也

褚中令小楷西昇經後有遼山重疊傳古龍畫佳

王子才英孫號修竹所藏

米老自作自書上清儲祥宮碑川紙上大書甚佳舊在向若水家後歸賈秋壑今歸子才乃與東坡

同所作米意極自得然非爲彼文壓倒則此老必叫屈余家亦有米老自畫自書天衣禪師第二碑
字畫絕妙藏之甚久爲德生豪奪去甚惜之金一之應桂亦有之字大於此然宛不及也 雪竇

和尚親書詩一卷後有諸公題跋雪竇詩云有無盡是兩頭語諸祖因不立言詮末代兒孫列戶牖
一花五葉失真傳 永嘉雖問曹溪路畢竟惟聞自己禪根器警拔誠難遇鑒透高原始及泉道

人詩句從梁老筆意崢嶸自一家誰會林間相見事莫都錯看亂飄花紹聖四年十二月二十四日

周仲仁 百中神鎗歸妙手當時破敵祇因機餘花墮穢無人見半偈流傳豈易知元符三年建

安陳師錫 雪竇傍邊又生一孔北邙山下千塚萬塚兔角龜毛竟將何用仔細思量不如珍重

浮休居士 一幅昏昏半已空何人重出自爲工從茲萬偈并千頌擾亂春風卒未窮襄陽米芾

真機昔振雲門路祖席今多雪竇孫傳到慧林花果盛須知葉落總歸根崇寧二年鶴林居士葛蘩

老子休去歇去遺墨今傳古傳相見古來面目不離當處湛然崇寧癸未高郵徐文

一作太

張萇所藏名帖

御府蘭亭類考十冊凡百餘種及高宗十七帖內臨八帖後有跋

古今圖書集成
廉端甫希貢號薌林所藏

向薌林靈璧臥石上有刻字并小詩皆向薌林伯恭書

徐容齋瑛子方所藏

顏魯公自書刑部尚書告迺紙書不可曉大曆十二年

唐人雙鉤蘭亭

孟簡細書六賦

朱希真雙鉤力命帖黃庭經

郝清浦清臣所藏

孫過庭草書千文五色紙書其縫內各有珍字印或謂唐太宗或謂宋太宗印中唐弘文館印

張旭秋深不審帖上有雙龍團印前後有宣和政和印記

又聞有蕭子雲出師頌真蹟未及見

又有唐模蘭亭

李士弘個號圓嶠所藏

黃山谷大字嵇溪詩有序甚妙

又草堂書浯康詩

高仲器鑄所藏

唐模蘭亭極瘦而自然高子奇跋云此乃馮承素等臨 柳公權小楷清淨經開元五年書於上

都昭成觀 東坡書杜少陵驃騎圖并詩後有子由跋山谷二絕句

馬子卿號性齋所藏

蕭蓮幽公帖明昌題 張芝九間帖宣和題恐臨 東坡大字德威堂銘黃絹烏絲欄書甚佳

東坡翰院樂語草書一大卷上有開封趙與勳小印及齊齋印 石曼卿書大字籌筆驛詩甚奇

山谷草書鸚鵡賦佳 山谷家書數幅 又一帖云近有佳會率以故不得往豈食料禁不批

放耶呵呵 又一帖花四枝謾送餘春尙可賞否戴花人安否前輩風流可想也 米帖一云

胡不入城單外恐不堪久 洪元脊集王書勝業讚高宗題 許渾烏絲闌上書大軸佳

趙孟頫乙未自燕回時所收

京兆府所刻東方朔畫贊比之今本字稍大。

天台謝奕修養浩齋所藏

虞永興頭眩帖有機暇清賞文洽公言珍玩養笠軒印亦有紹興印 顏魯公鹿脯帖 乞米

帖倩仲跋

楊少師手帖

李西臺詩

蘇滄浪草書

東坡醉草溫公帖

陶隱居

小楷大洞真經隱訣後有林希父子題

秦少游數帖

周越書劍器行

唐良驪元陵挽

郎誥真元八年三月二十四日三省長官董晉領吏部選杜黃裳尙書右丞趙景郎中韋夏卿

唐陳尙庭縣尉誥天寶三載丞相李林甫韋陟景融又稱陳尙庭四十三載告身乃用羅紋紙殊不

可曉後有向若水跋

吳越承制大略如誥敕後書天下兵馬元帥尙父吳越王銜

王晉卿

八帖皆與親賢宅請王書內有送酒一帖云濕釀四器納上以酒稱釀可謂好奇

蘇氏譜系帖自源明坡穎而下凡五世世各十餘帖爲六巨帙生平所觀蘇帖未有如是之多也

米老自畫宅圖又小楷三帖又十帖珊瑚等帖米老親書楷書畫法并青山白雲米老辨印帖緩平

郡名卯里右政者中有省文有人收古印文曰相侯宣印乃是丞相富民侯薛宣印最小繆篆乃今

所謂填篆也用辨私印二字尙書禮部員外郎米芾審定

蔡君謨朱書青紙上大字

東坡

書繡觀音贊

吳越王判狀二竝贊寧狀忠懿王草書判字一花押

已上並賈師憲故物後以

此送謝堂堂不能保歸之起翁翁今亦不自保也

菊坡趙氏侍制與懃所藏

黃太史大字發願文

張氏收

宋太祖御書一紙前據殿前軍馬數次有御筆兩行云我自別勾當公事誰要汝具人數來後復有太祖御書字其下封禪鹵簿使印印上書臣陳康伯四字褚伯秀曰江南李後主常詔徐鉉以所藏前代墨蹟古今法帖入石名昇元帖然則在淳化之前當爲帖之祖

龔聖予云禊序有大業間

石本其後有隋諸臣銜位然則在智永未藏之前此帖亦當入御府

高宗御府手卷畫前上白

引縫間用乾卦員印其下用希世藏方印畫卷盡處之下用紹興二字印墨蹟不用卷上合縫卦印止用其下希世小印其後仍用紹興小璽

徽宗朝墨蹟用天水雙龍縫及泥金御題淡青狹籤

頭是也

元湯允謨雲煙過眼續錄

總管大中灤陽趙伯仁舉家藏

王右軍司州帖古黃紙書章宗泥金書籤明昌七印全

又屏風帖硬黃紙書徽宗泥金題籤首

尾天水宣政內府圖書等印並全

余家舊藏

司馬文正公手錄富鄭公使北日鈔一卷其長五六丈字畫雖若古拙而首尾端謹如一豈像其生平行止邪史稱公之至誠可以動天地此卷見之丞相益國公周必大子充爲跋賈師憲物也

山居太史楊瑀所藏

智永石刻千文九成宮石刻皆金士權所撫

楊元誠家所藏

唐王建親書宮體小詩一百二十首蓋宮詞極其宛轉妖麗今人罕能及後有錢武肅王印押龍蓋宣和內物也其字皆章草

陶宗儀輟耕錄 蘭亭集刻

蘭亭一百一十七刻裝褫作十冊乃宋理宗內府所藏每板有內府圖書鈐縫玉池上後歸賈平章至國朝有江南八十餘年之間凡又易數主矣往在錢塘謝氏處見之後陸國瑞攜至松江因得再三披閱併錄其目真傳世之寶也

甲集一十二刻 州郡

修城本 葉仲山跋

定武闊行 若合一契行闊

定武肥

定武瘦

定武板刻 霍子明跋

定武鉅石

定武斷石

定武古刻

兩京斷石

永興

古懿郡齋

宣城

乙集一十三刻

舊梅花

三衢板刻

安吉古苔真草

臨川麻石

臨賀

豫章二

靜江府

復州

鼎州 後有武陵二字

古潭

新梅花

宣城南陵

丙集一十刻

蘇州府治

福州府治

福州棗木

道州

金陵三米 米芾米友仁米尹知

永嘉

古雪斷石

隆州

郴州

蘭亭重言

丁集一十刻

紹興府治二

紹興倉司

紹興府學

紹興古刻

餘姚縣治

曲水詩蘭亭

曲水詩前

曲水詩後

婺州府治

褚遂良墓

戊集一十刻 內府

高宗臨定武

米友仁跋

唐貞觀

太清開皇

祕首

內殿

內司四

京師玉堂

巳集九刻 雜集

玉枕

花石

柳誠懸

大字

唐人硬黃臨

唐人雙鉤

晉唐刻

孫過庭草

京師鵝黃棗木

黃紙印

彭城小字

庚集一十一刻 故家

蔡君謨臨

薛紹彭

秦少游小字

安定家藏

辛道宗

建康晁謙之

紹興湯氏

南昌京氏

廬陵胡氏

蜀劉涇

唐摹刻

辛集一十四刻

吳詵草書

吳璜

劉無言臨

龍潭潘氏

方朔習寫

周平所藏

臨江張氏

天台丁氏

新安汪氏

江西故家

廬山甲秀堂

九江陶氏

循王家藏

米芾跋云壬午閏六月九日大江濟川亭藏寶晉齊鯨對紫金浮玉羣山迎快風消暑重裝

番禺洪氏

壬集一十四刻

金陵畢氏

廬山吳氏

紹興曾氏

紹興石氏二

毗陵尤遂初

李忠愍所刻

新唐李氏

江陰丘氏二

東陽郭氏

昌谷曹氏三

癸集一十四刻

趙虛齋

呂氏家藏

建鄴朱氏

大梁曾朴

陸子與

韓松

陸載之

胡氏將

玉林二

趙菊坡

不題名二

錢塘李和

法帖譜系

法帖譜系云熙陵以武定四方載囊弓矢文治之餘留意翰墨乃出御府歷代所藏真蹟命侍書王著摹勒刻板禁中釐爲十卷各於卷尾題奉旨模勒入石此歷代法帖之祖

豐陽帖

劉丞相私第本

鼎帖

碑匠家本

大觀太清樓帖

三山木本

慶曆長沙帖

長沙新刻本

二王府帖

蜀本